

**Bosna i Hercegovina**  
**Federacija Bosne i Hercegovine**  
**Udruženje sudija/sudaca u**  
**Federaciji Bosne i Hercegovine**

Sarajevo, Valtera Perića 15  
Tel/fax 033-668-035  
e-mail [usfbih@bih.net.ba](mailto:usfbih@bih.net.ba)  
[www.usfbih.ba](http://www.usfbih.ba)

Broj: 46-1/23  
Sarajevo, 26.10.2023. godine.

**IZVJEŠTAJ**  
**SA SJEDNICE UPRAVNOG ODBORA UDRUŽENJA SUDIJA/SUDACA U FEDERACIJI**  
**BOSNE I HERCEGOVINE ODRŽANA 26.10.2023. GODINE**

Sjednica je održana u prostorijama Hotela Vučko na Jahorini sa početkom u 17:30 sati

**PRISUTNI ČLANOVI UO USFBiH:** Elis Sultanić, Ankica Čuljak, Joko Radić, Nedžad Baković, Aleksandar Kontić, Mustafa Šabić, Rusmira Kudić, Denis Kurtović, Avdija Avdić, Smajo Šabić, Edin Bičo.

**ODSUTNI ČLANOVI UO USFBiH:** Vildana Helić (opravdano), Hakija Zajmović (opravdano), Katica Artuković (opravdano), Emir Neradin (opravdano).

**Predloženi dnevni red**

1. Usvajanje zapisnika sa sjednice UO 29.09.2023. godine
2. Izvještaj predsjednika udruženja o postupanju po zaključcima sa sjednice 29.09.2023. godine.
3. Priprema dopisa za izjednačavanje naknada za dežure i odvojen život na nivou FBiH i dopis prema Vladi ZDK za povećanje i ujednačavanje sa drugim kantonima. (zaključak sa sjednice UO 29.09.2023.)
4. Dopis inicijative članice Udruženja Sanele Talirović - Inicijativu za poboljšanje Kriterija za ocjenjivanje rada sudija i Poslovnika VSTV-a BiH
5. Prezentacija odgovora na dopis VSTV-a o podacima o prilivu predmeta po sudovima u BiH i procentu rješavanja istih za zadnje tri godine (2020., 2021. i 2022. godinu)
6. Razno:

Dnevni red usvojen jednoglasno.

**ODLUKE - ZAKLJUČCI**

1. Upravni odbor je usvojio zapisnik sa sjednice UO 29.09.2023. godine uz jednu dopunu u vezi prioriteta rada udruženja, tačka AD.2 iz zapisnika od 29.09.2023., u koju treba dodati inicijativu u vezi izmjene i poboljšanja dana godišnjeg odmora nositelja pravosudnih funkcija, koja je greškom preskočena u zapisniku i koja će se dodati u finalnu verziju zapisnika.

2. Upravni odbor je usvojio izvještaj predsjednika Udruženja o postupanju po zaključcima sa sjednice 29.09.2023. godine. a to su: Zaključak povodom Mišljenja VSTV BiH o angažmanu sudija i tužilaca na fakultetima; Odgovor na dopis sudije Harisa Beganovića OS Velika Kladaša, Izvještaji sa prisustva na događajima po pozivima (Dani sudske policije 10.10.2023, Savjetovanje tužilaca od 16 do 18.10.2023.).
3. Upravni odbor je donio odluku da će se uputiti dopisi Vladama i Ministarstvima pravde Zeničko-dobojskog kantona, Srednjobosanskog kantona i Posavskog kantona u vezi izjednačavanja naknada za dežuru u ovim kantonima, sa naknadama u drugim kantonima u FBiH. Po trenutnim odlukama naknade za dežuru u navedenim kantonima su znatno manja u odnosu na druge kantone u Federaciji BiH što predstavlja diskriminaciju te će se apelovati na vlast u navedenim kantonima da izjednače i usklade visine naknada sa drugim kantonima u Federaciji BiH.
4. Upravni odbor je upoznat sa dopisom članice Udruženja sutkinje Sanele Talirović sa Inicijativu za poboljšanje Kriterija za ocjenjivanje rada sudija i Poslovnika VSTV-a BiH. Upravni odbor je nakon rasprave donio zaključak da se prima na znanje navedenu inicijativu sutkinje koja je dostavljena VSTV-u i Udruženju. Upravni odbor smatra da je pravilnik koji je trenutno na snazi nedavno izmijenjen, da je po sadašnjem shvatanju on dobar te da uvijek postoji mogućnost njegovog poboljšanja te da će uzeti u obzir predmetnu inicijativu sutkinje Talirović prilikom budućeg rada na eventulanim izmjenama i dopunama kriterija. Članovi UO smatraju da se određeno vrijeme treba pratiti njegova primjena te ako se utvrde neki problemi da će se ići na inicijativu poboljšanja kriterija.
5. Upravni odbor je upoznat sa dopisom VSTV-a i podacima koje je tražila kancelarija Udruženja o prilivu predmeta po sudovima u BiH i procentu rješavanja istih za zadnje tri godine (2020., 2021. i 2022. godinu). Navedeni podaci bi trebali biti osnov za izradu određenih inicijativa Udruženja o poboljšanju pravilnika o orijentacionim mjerilima koje će u budućem vremenu UO udruženja izraditi.

Upravni odbor je usmeno upoznat sa detaljima novog Pravilnika o orijentacionim mjerilima koje je VSTV donio na sjednici VSTV-a 27 i 28.09.2023. godine. Taj pravilnik je u procesu lektoriranja i tehničke dorade i po saznanjima će biti u primjeni od početka 2024. godine. Po usmenim saznanjima smanjena je norma za sudije Općinskih sudova. Po saznanjima, norma za sudije Kantonalnih sudova nije smanjena te su članovi UO smatrali da je trebalo doći do smanjenja i te norme. Također po saznanjima došlo je do vrednovanja određenih postupaka, koji po trenutnom pravilniku nisu vrednovana.

Prilikom izmjena, VSTV se vodio inicijativama koje je slalo Udruženje i sudovi u prethodnom periodu i po saznanjima, veći dio primjedbi koje je Udruženje sudija/sudaca u Federaciji pisalo i dostavljalo u prethodnom periodu je u uzet u razmatranje.

Članovi UO su donijeli zaključak da podržavaju i pozdravljaju izmjene orijentacionih mjerila koje je VSTV donijelo. Smatraju da je trebalo doći i do

smanjenja norme za sudije kantonalnih sudova. Udruženje će čekati dostavu teksta novog pravilnika te uraditi detaljnu analizu promjena. Zaključeno je potrebno pustiti novi pravilnik da se primjenjuje određeni period (6 mjeseci) te nakon perioda primjene dati određene sugestije i prijedloge kako korigovati i naknadno poboljšati određene odredbe, a posebno inicirati promjene za smanjenje norme za kantonalni nivo. UO će pratiti primjenu pravilnika i uz podatke koji su dobili o broju primljenih i riješenih predmeta za 2020, 2021 i 2022. godinu nastojati u partnerstvu sa VSTV-om poboljšati pravilnik o orijentacionim mjerilima za sve nosioce pravosudne zajednice.

6. Upravni odbor je pod tačkom raznom donio sljedeće odluke/zaključke:
- UO je na zadnjoj sjednici UO kao predstavnika ZKT-a ispred Udruženja sudija Federacije BiH imenovao sudiju Smaju Šabića (član USFBiH u ZKT-u). Po memorandumu potpisanom u vezi ZKT-a, Udruženje ima pravo i na drugog člana ZKT (zamjenskog člana) te je kao zamjenski član Udruženja sudija FBiH u ZKT imenovana sutkinja Mirsada Karahmetović (Sutkinja Općinskog suda u Sarajevu i predsjednica ogranka Kantona Sarajevo USFBiH ).
  - Članovi UO su usvojili inicijativu da se svim kantonalnim Vladama i ministarstvima pravde kantona uputi inicijativa da se omogući i finansira sistematski pregled nositelja pravosudnih funkcija i uposlenika sudova na godišnjem nivou. Članovi UO smatraju da je ovo jedan vid pozitivne praske koje imaju drugi uposlenici državnih institucija te način kako bi se preveniralo i poboljšalo zdravlje nositelja i uposlenika pravosudnih institucija.
  - Sljedeća sjednica UO je planirana za dan 01.12.2023. u Sarajevu, te se želi animirati članstvo i ogranci ako imaju odrađenih inicijativa da dostave kancelariji Udruženja kako bih se moglo o njima raspravljati i odlučivati.

Navedeni odluke i zaključci su usvojeni na sjednici UO USFBiH 26.10.2023.

**Sastanak je okončana u 19:00 sati**

**Predsjednik Udruženja  
sudija/sudaca u FBiH  
Elis Sultanić**

Dostavljeno:

- članovima Upravnog odbora i predsjednicima ogranaka Udruženja
- web stranica udruženja
- arhiva